

Taifoi (Typhoid) ma le Palataifoi (Paratyphoid)

O le ā le taifoi ma le palataifoi?

O le Taifoi ma le Palataifoi o ni ma'ī e mafua mai le paketeri (siamā) o le *Salmonella typhi* ma le *Salmonella paratyphi*. O nei siama e aafia ai le lalolagi atoa aemaise lava la i nofoaga e lē mamā ma ua faaleagaina le suavai e pei o atumotu o le Pasefika, Asia, Sasae Tutotonu, Amerika Tutotonu ma Amerika i Saute, ma Aferika. O le tele lava o tagata ua maua i le taifoi ma le palataifoi i Niu Sila na aafia ai a'ō iai i nisi atunuu mamao.

E faapefea ona e maua i le fiva taifoi ma le fiva palataifoi?

E ala i lou tausami pe inu i se vai ua faaleagaina i ni feau mamao poo se feaulata a se tagata o loo ma'ī pe atonu o ia feavea'ia le siama.

E faapefea ona 'alofia le maua i le taifoi ma le palataifoi?

Ia faamautinoa i taimi uma o loo fufulu mamā ou lima i le vai ma le fasimoli mo le 20 sekone, ona solo faamago lea i se ie mamā poo se solo pepa:

- pe a uma ona faaaogā le faleese
- a'ō lei kukaina meaa, a'ō lei 'ai pe inu
- pe a uma ona sui napekini o pepe.

E faapefea ona e faamautinoa ua maua oe i le taifoi poo le palataifoi?

O le taifoi ma le palataifoi e mafua ai ona faama'ia le tino atoa, e lē na'ō le manava, lona uiga e te ono lagona ma maua oe i le:

- fiva (ua matuā vevela lou tino)
- lē lavā
- tiga le ulu
- afu mālūlū
- tiga le manava
- manava mamau pe manava tatā
- sasao le lālāvevela i le manava ma le fatafata
- tale

Afai e te ma'ī i le taifoi, e masani lava e 8 i le 14 aso talu ona e aafia ai ae faatoa e lagonaina ona āuga. Mo le palataifoi, e 1 i le 10 aso talu ona e aafia ai ae faatoa e lagonaina ona āuga.

O le ā le mea e tatau ona ou faia pe a ou manatu ua maua a’u i le taifoi ma le palataifoi?

- alu e vaai lau fomai ma o le a ia fesiligia oe poo fea sa e faimalaga iai ma nofo ai. O le a fesiligia oe poo ā ou faalogona o iai ma siaki oe
- afai e manatu lau fomai ua e maua i le taifoi ma le palataifoi, o le a latou t̄pā oe e avatu se fasimea o lau feau mamao poo lou toto e ave e sue.

O afea e mafai ai ona ou toe foi i le galuega, le aoga poo le aoga amata?

- soo se tasi o loo maua i le manava tatā, e tusa lava pe e lē o iloa le mafuaaga, e lē tatau ona alu i le galuega, aoga poo le aoga amata
- e tatau ona aua ne’i toe o tamaiti i le aoga poo le aoga amata se’iloga ua faamautinoa mai a latou siaki na fai ua lē o toe aafia i le siama
- mo tagata matutua e aofia ia latou galuega le kukaina o taumafa, pe faigaluega i se aoga amata, pe i se nofoaga a le soifua maloloina, e lē tatau ona toe foi e faigaluega se’iloga ua kilia mai i mea e lua sa ave e siaki (e ta’i 48 itula le vavamamao o taimi na siaki ai mea taitasi) ua lē o toe iai ni aafiaga o le taifoi/palataifoi.

E faapefea ona puipuia a’u mai le aafia ai a’o o’u faimalaga i atunuu ia e maua ai le taifoi/palataifoi?

- aua le inuina vai e lē o saogalemu, e aofia ai vai’aisa ma vaiinu ua saeu faatasi ma le suavai
- aua e te tausami i ni meaai mai tama’i fale’aiga o loo faatutū i autafa o magaala
- faamautinoa ua vela lelei le kukaina o meaai ma ia ‘ai a’o vevela pea
- aua ne’i ‘aia ni meaai e lei faavelaina e aofia ai fualaa’aina suamalie ma fualaa faisua (se’i vaganā e mafai ona e fofo’e ese pe fisi ese le pa’u) ma meaai mata mai sami
- aua ne’i ‘aia ma inu se susu poo meaai e fai mai le susu ua umi ona velasia
- inu na’o vai o loo utufagu poo vai ua uma ona faapuna pe afai e te lē o mautinoa poo fea na aumai ai le vai ma e masalomia pe o saogalemu i le inu.

O se mea lelei pe a e alu muamua e vaai se fomai (travel doctor) e faamatala ane tuiqipui e tatau ona e faia a’o e lei tuua Niu Sila. Mo ni faamatalaga e aogā mo tagata o loo faimalaga i isi atunuu, tagai i le www.safetravel.govt.nz

Afai e te tagai i le uega tafailagi a le Auckland Regional Public Health i le www.arphs.health.nz e te maua ai faamatalaga i meaai e saogalemu mo le taumafa faapea le tausia o le tumamā, aemaise foi o mea e mafai ona e faaogā e puipuia ai mai le taifoi.

Mo nisi faamatalaga, vili le Healthline i le 0800 611 116

Tagata faigaluega a le Soifua Maloloina: Mo nisi faamatalaga, faafesootai le ARPHS i le 09 623 4600

Toe iloiloga mulimuli i le aso 26 Novema 2018